



1 4
1544
30



建炎以來朝野雜記甲集卷四

宋 井研 李心傳 伯敬 撰

制作

八寶

御寶備于政和自 太祖開基始有 大宋受命之

寶後諸聖嗣服皆自為一寶以皇帝恭膺天命之寶

為文元符間既得漢傳國璽因以為受命寶受命于天既壽

永大觀初又得良工倣古作天子皇帝六璽已而

徽宗又作鎮國寶遠天福延萬通號八寶焉久之作

定命寶其文有通謂天地幽贊神明豫合太號九寶

和商書無璽凡十六字寶參京所賦

建炎以來朝野雜記甲集卷四

宋

井研

李心傳

伯微

撰

制作

八寶

御寶備于政和自太祖開基始有 大宋受命之

寶後諸聖嗣服皆自為一寶以皇帝恭膺天命之寶

為文元符間既得漢傳國璽因以為受命寶受命于天既壽

永昌大觀初又得良工倣古作天子皇帝六璽已而

徽宗又作鎮國寶遂天福延萬億永無極通號八寶焉久之作

定命寶其文有範圍天地幽贊神明保合太和萬壽無疆凡十六字寶蔡京所賦號九寶

月字佳已



京城破自定命寶外悉為虜所得而大宋受命之寶
邵澤民侍郎給以隨葬乃得全張邦昌將復避遣謝
任伯參政奉寶歸于高宗建炎二年秋始鑄三御寶
一曰皇帝欽崇國祀之寶印香合二曰天下合同之
寶印中書詞三曰書詔之寶印詔皆以金為之逮十
六年郊始備八寶八寶者入內內侍省掌之紹興末
上即位于重華宮時寶藏于大內 太皇太后旨
取之今八寶未知何人所書其文如政和之制

三省樞密院印

三省樞密院印建炎三年秋鑄以銀為之時 上命

勝于濟權知三省樞密院扈從 隆祐皇太后往豫
章故鑄此印

入宮殿諸門號

入宮殿等諸門號皇城司掌之紹興二年正月更定
其制勅入禁衛號黃綾八角二十入殿門黃絹以方
道一十入宮門黃絹以圓八十入皇城門黃絹以長三
道三年十一月更宮門號以緋紅絹方皇城門以緋
紅絹圓自後不易其制

禮神十二玉

禮神十二玉吳天上帝以蒼璧皇地祇以黃琮感生

據目錄此
遺失虎符
一條

帝以四圭有邸神州地祇社稷以兩圭有邸日月以圭璧五帝以青圭赤璋白琥元璜黃琮紹興初以闕祭玉但命隨方色莫弊焉是年當大禮禮官請以木爲璧繪天地之色上難之因命訪美玉以爲蒼璧黃琮時明堂不祠五帝等諸神故他玉未及也四年明堂始制五帝日月等玉初以未得美璞將用天聖故事以珉爲之既而得真玉數十斤遂命改制其中赤璋最粹美他玉多不及禮經尺寸云

景鐘

景鐘紹興十六年秋七月鑄鐘高九尺天子親祠上

元本雜樂
李校雅樂

帝則用之以皇祐忝尺爲準于是上命太師秦檜銘之曰德純懿兮舜文維躋壽域兮孰內外薦上帝兮偉茲器聲氣應兮用火視貽子孫兮彌萬世鐘成冬十月上御射殿觀之時以樂多闕命給事中呂拂等補造是日撞景奏親樂正刺史以鐘上皆與觀焉

飲福金爵

飲福金爵紹興十年明堂始用之政和大禮舊用萬壽玉尊時無玉尊故以金爵代之也先是大禮自天地至從祀諸神七百七十一位當用邊豆簠簋尊壘

元本玉伯
照李核王
伯昭

彝鼎之屬九千二百五太廟用五百九十六舊用銅
玉者權以陶木代之王伯昭普為國子博士嘗言今
祭器皆倣聶崇義三禮圖非是請改作時多事未克
行十八年始命段樞密拂等改作焉由是禮器煥然
復如東都承平之舊矣

五輅

五輅靖康中已遺狄紹興十二年始為玉輅九月輅
成上御射殿觀之明年春遂作金象草木四輅及大
安輦舊鹵簿悉用文綉中興皆以纈

七寶輦

七寶輦 上皇所御也隆興二年始為之有司言東
部舊制輦飾以玉裙網用七寶而滴子用真珠及進
呈 上曰 太上皇帝之意不欲如此止欲節省兼
物料未易辦湯慶公等因請下禮官看詳禮官奏以
塗金易玉飾梅紅絲結裙網而象牙代真珠 上曰
網以七寶為之零碎者亦可辦既而 上皇不肯造
每至大內多乘馬而間至湖上則用肩輿蓋不欲煩
臣民云

渾天儀

渾天儀古器也舊京凡四座每座約用銅二萬斤至

元本二萬
吳校

以下
半製用
八千四百
斤證之
此二萬斤
為是矣

道儀在測驗渾儀所皇祐儀在翰林天文局熙寧儀
在太史局天文院元祐儀在合臺紹興三年工部員
外郎晉陵袁正功獻渾儀本樣命有司製之太史局
請折半製造計用銅八千四百餘斤詔工部侍郎提
舉後以巡幸不克成時資州龍水縣士人張大穢以
本為蓋天言可備軍幕中候驗七年夏席大光為制
置大使獻諸朝其後 上在宮中自作渾儀然制差
小十四年四月遂命有司製之內侍邵諤領其事久
之乃成三十二年以授太史局焉

紀元統元會元歷

宣靖間用紀元歷兵興後失之司天無所考由是歷
差一日紹興二年夏 上命訪得舊歷以授史官五
年正月朔日有食之史官所定不驗時常州布衣陳
得一為侍御史沙縣張致遠言史官立朔有訛 臘
失序致遠言于朝遂命得一造新歷朱子發以秘書
少監監視即秘書省置局八月歷成名統元賜得一
號通微處士官一子焉乾道淳熙稍復更定皆判太
史局劉孝榮所作也紹興初有武臣趙煥者言其差
故命孝榮更造會元歷

統天歷

元本在臘
癸校官臘

本後天
元校後天
月蝕不應
在月初有
誤

本國事
後國是
公福安
臨安

統天歷慶元五年京文忠鏜為丞相時所上也初會
元歷既成而布衣王孝禮言孝榮未嘗以銅表圭面
測影故冬至後 朝廷然之未暇改作至慶元四年
九月朔太史言月蝕于夜而草澤言食在晝詔楊子
美祕監驗視如草澤言乃改造歷以祕書省正字馮
履為參定官履字叔常臨邛人嘗從故直徽猷閣張
行成為數學故以命焉歷未成明年正月癸卯監察
御史張岩言履唱為陂辭搖撼國是遂罷去三月庚
戌乃詔諸道有通曉天文歷算者所在其名來上五
月歷成歷經凡三卷沿歷他書十七種凡三十九卷

又上臨安進士侯望重校萬年歷十七卷綱目二卷
嘉泰二年日食五月朔太史以為午正而草澤趙天
猷言午初三刻半日食三分詔著作佐郎張嗣古監
視渾儀秘書丞朱欽則著作郎王容測驗起居舍人
俞徵覆驗卒如猷所言史官乃抵罪焉蓋自渡江後
言歷差者多矣

神宗 哲宗新實錄

神宗 哲宗新實錄趙元鎮為相時所修也 神錄
有考異 哲錄有辨誣皆出范元長侍讀一手與修
者任德初張子韶尹彥明高抑崇胡德輝范伯達朱

喬年王信伯李似之等俱一時名人始高宗在南
都以二錄成于京下之手事多矯誣嘗下詔更修而
未果已西南渡國史散佚靡有孑遺其後數下詔訪
求之紹興元年才得布衣何克忠所藏太祖實錄
四冊而已上以書籍殘缺之際特命以官已而戚
里張懋家獻太祖至神宗六朝實錄會要史志
等書小校唐開亦獻王珪所編五朝會要最後五年
二月始從故相趙挺之家得蔡京所修哲宗實錄
皆下之史官六年正月新實錄成八年九年哲錄
成時范元長已去官而尹彥明以秘書少監典其事

實錄八年
正月

元長所修神錄舊文以墨書刪去者以黃書新修
者以朱書世號朱墨史

徽宗 欽宗 高宗 孝宗 光宗實錄

徽宗實錄紹興朱嘗成書始建炎兵火後史院片紙
不存汪彥章內翰守湖以湖州獨不被兵當時所頒
賞功罰罪等事咸在乃因以為張本又訪諸士大夫
間編集元符庚辰以來詔旨至宣和已巳上之其書
凡八百六十五卷其后修徽錄史官皆仰之然猶多
脫畧淳熙中李文簡仁父在史院奉詔增修之欽宗
實錄洪景盧因龔實之所補日歷而修之文直而事

核 高宗實錄慶元嘉泰間京冀公仲遠謝魯公子
肅爲丞相時所上時史館無專官未知果誰筆也
孝宗 光宗實錄嘉泰二年詔寶文閣學士傅伯壽
直華文閣陸游同修蓋專以委之先是和州布衣龔
敦頤者元祐黨人原之曾孫也嘗著符祐本末黨籍
列傳等書數百卷淳熙末洪景盧領史院奏官之後
避 光宗名改頤正朝廷以其有史學嘉泰七年七
月賜出身除實錄院檢討官蓋付以史事未幾而頤
正卒乃外召傅陸還朝 孝錄比他書尤踈駁

四朝正史

四朝正史始于李仁父而終于洪景盧乾道中仁父
初入史院上 四朝帝紀再還朝乃修諸志未及進
書而仁父去國時史館官多以爲侍從兼職往往不
能淹貫則私假朝士之有文學者代爲之今四朝藝
文志一書實先君子之筆也淳熙中趙衛公溫叔爲
相史志告成仁父時守建寧大臣言仁父之力爲多
特進秩一等久之列傳猶未就緒 上遂召仁父卒
成之書垂成而仁父卒乃自婺州召景盧入領內祠
專典史事又踰歲而始成書凡列傳八百七十總一
百三十五卷

紹興乾道淳熙慶元敕令格式

國朝法令大抵從寬政和後始有御筆特斷刑名是益多出于三尺之外矣靖康元年九月議者乃請參用嘉祐元豐舊法以俟新書之成奏可尋詔律令依嘉祐斷刑依元豐明年四月復詔政和海行法非御修筆立者許引用建炎三年復辟赦舉行仁宗法度卽嘉祐元豐法有不同者賞格聽從重條約聽從輕時呂元直張德遠始爲政也明年六月范覺民相乃奏命有司以嘉祐政和敕對修成書紹興元年八月上之其後乾道淳熙慶元之際率十餘歲一修然

大槩以紹興重修敕令格式爲準

淳熙事類

淳熙事類 孝宗時所修也國初但有刑統謂之律後有敕令格式與律並行若不修則從敕令格式然士大夫罕通法律而數書散漫故吏得以舞文上患之淳熙中始命敕局官取敕令格式及申明五書分門來上七年四月乃成爲總門三十三別門四百二十詔頒行之賜名淳熙事類

紹興淳熙慶元寬恤詔令

寬恤詔令者始紹興二十二年八月王瞻叔知荆門

軍代還入見請命有司編集中興以來寬郵詔令而知惠州鄭康佐者亦言守令奉行詔書不虔請編類成書以賜從之二十五年九月乃成凡二百卷號紹興寬恤詔令其后淳熙慶元皆有之淳熙書成于十二年夏慶元書編于五年終

兩朝聖政錄

光堯聖政錄者隆興乾道間所修也紹興三十二年九月以敕令所為編類聖政所命輔臣領之乾道二冬蔣子禮為參知政事上其書凡三十卷上自為之序大凡分門立論視寶訓而加詳焉紹興中又為

壽皇聖政錄上之其書亦三十卷

中興禮書

中興禮書者淳熙中所上也紹興間太常少卿趙子直採渡江以來所行為續因革禮三十卷其後禮官踵為之然未上也淳熙十二年春史彌大方叔權禮部侍郎乃言此書一朝大典如內禪慶壽等禮皆歷代所未嘗行乞下禮官宣取以進仍不必推恩上許之其書八百餘卷方叔文惠王長子也後終敷文閣侍制

續資治通鑑長編

九朝通畧東都事畧

續資治通鑑長編者李文簡燾所修也其書倣司馬氏通鑑踵爲之然文簡謙不敢名續通鑑故但謂之續長編 乾道初 上召文簡爲史官命有司給筆札四年四月以 五朝事上之 孝宗謂輔臣曰自建隆至治平百餘歲事迹備于此矣淳熙十年文簡爲遂寧守始上其全書自建隆至靖康凡九百八十八卷舉要六十八卷 上甚重之以其書付祕書省十二年二月又有知台州熊克上所著 九朝通畧詔遷一官克字子復建寧人嘗爲起居郎直學士院其書視長編才十一頗訛舛十三年八月又有知龍州

三校才

王稱亦獻東都事畧百三十卷子朝洪內翰主之明年春除直祕閣然其書特掇取 五朝史傳及四朝實錄附傳而微以野史附益之尤踈駁稱眉山人故禮部侍郎賞之子慶元中終吏部郎中

中興館閣書目

中興館閣書目者 孝宗淳熙中所修也 高宗始渡江書籍散佚紹興初有言賀方回子孫鬻其故事于道者 上命有司悉市之時洪玉父爲少 建言蕪湖縣僧有蔡京所寄書籍因取之以實三館劉季高爲客掾又請以重賞訪求之五年九月大理評事

少字下元
本空一
吳校改
爲宰相

諸葛行仁獻書萬卷于朝詔官一子十三年初建秘閣又命卽紹興府借故直秘閣陸寘家書繕藏之寘農師子也十五年遂以秦伯陽提舉秘書省掌求清書圖畫及先賢墨蹟時 朝廷旣右文四方多來獻者至是數十年秘府所藏益充物乃命館職爲書目其例皆倣崇日文總目焉書綱目凡七十卷

秘書監陳駿領

其事五年六月之上

監本書籍

監本書籍者紹興末年所刊也國家多艱以來因去暇及九年九月張彥實待制爲尙書卽始請下

吳校云此例皆倣

人總目

卷

今點注字

四

州學取舊監本書籍鏤板頒行從之然所取諸書多殘缺故胄監刊六經無禮記正史無漢唐二十一年五月輔臣復以爲言 上謂秦益公曰監中其他缺書亦令次第鋟板雖重有所費蓋不惜也由是經籍復全先是王瞻叔爲學官嘗請摹印諸經疏及經典釋文許郡縣以贍學或省係錢各市一本置之于學上許之今士大夫仕于朝者率費紙墨錢千餘緡而得書于監云

建炎以來朝野雜記甲集卷第五

宋 井研 李心傳 伯微 撰

朝事一

高宗卽位冊文

淵聖北狩 康王在山東羣寮請奉天統 上謙讓
未受時趙伯山延康守淮寧與諸鎮爭為盟主而宗
室在京西或招羣賊置乘輿服御 上優容之一日
羣寮議纂服之禮宗室承宣使仲琮等曰今 二帝
蒙塵 王不常卽位宜著淡黃衣稱制不改元下書
告四方稱副元帥汪廷俊等以唐肅宗故事折之參

議官耿伯順詣仲宗曰公是宗室豈不避嫌仲琮請
塞乃定卽位于南都焉五月庚寅朔王登壇告天
冊文曰嗣天子臣某敢昭告于昊天上帝金戎亂華
二帝北狩天支戚屬混于穹居宗社罔所依憑夷
夏罔知攸主臣某以道君皇帝之子奉宸旨以總
六師握大元帥之權倡義旅以先諸將冀清京邑復
兩宮而百辟卿士萬邦黎獻謂人思宋德天眷趙宗
直以神器屬于臣某辭之再四慎不克負荷貽羞于
來世九州四海萬口一辭咸曰不可稽皇天之寶命
慄慄震惕敢不欽承尚祈陰相中興于宋祚冊文

記室滕子所濟撰也禮畢上流涕卽位于府治之
正衙壇在府治中門之東實耿伯順建議所築後名
其壇曰受命中興之壇

中興定都本末

靖康末高宗初建元帥府于河北後聞京城破汪
廷俊等遂奉王如山東久之聞張邦昌僭立廷俊
等欲奉王走宿州謀渡江左先鋒至山口鎮三軍
籍籍召罷行丑月王卽位于南都六月李伯紀入
相將奉鑾輿狩襄鄧八月伯紀去位十月上遂幸
維揚時黃懋和汪廷俊爲政也三年二月粘罕遣五

千騎犯揚州 上幸杭州駐驛三月苗傅劉正彥謀
 逆以 上為睿聖仁孝皇帝居別宮四月傅等敗
 上進幸江寧冬兀术入寇 上用呂元直議自明州
 幸海四年春始還越州時范覺民為相夏覺民罷紹
 興二年正月以漕運米能復移臨安冬兀术入寇趙
 元鎮張德遠共事 上幸平江時朱藏一首建避狄
 之議元鎮闢之朱由此罷相明年虜退 上復還臨
 安六年秋劉豫入寇 上進幸平江七年春元鎮罷
 相德遠獨相乃有建康之幸秋酈瓊叛德遠罷元鎮
 復相八年二月復奉 上還臨安其冬元鎮罷秦會

之獨相自此不復進都矣人且擢用其子弟六年正

紹興初朝廷褒錄元祐黨 月樞密院檢詳文字范直方言自蔡京用事凡姤賢
 嫉能助成黨論之人偶垂迎合遂致睚眦京下欲終
 廢之故借黨以報怨如李清臣首唱異議邢恕誣證
 太毋楊畏反覆變詐皆隸名石刻之人今又推恩子
 孫傷類敗俗莫此為甚請命近臣審訂而甄別之上納
 其言遂命給舍甄別元祐黨籍他日上謂趙忠簡曰
 一時甚有濫居黨人之數者范仲任申皆能辨之先
 是渡江以來黨碑無復存者凡自陳者悉以胥吏私
 傳之本為據紹興四年陳去非在吏部以為言始加

本舊計
核審訂

元元

搜訪後二年乃命甄別焉時朱子發為給事中董令升任世初為中書舍人元鎮以為賢故付以此書然亦不克意也直方蓋忠宣公孫云

籍記崇觀姦邪

建炎初議者請以崇寧以來無人為一籍諸諫官御

史具名以聞臺省各錄副本不許堂除及任守令事

已行俄命執政參酌非罪惡深重之人皆許自新量

才擢用時宰相黃懋和汪廷俊也四年范覺民相吏

部侍郎李陵上疏請收用近年廢黜之人且詔臺諫

復論列數奏朝堂臺諫沈與求等以為言陵遂坐

元本無狀
與校姦

于上
以上之

細紹興五年趙忠簡相會鄧洵仁右丞卒詔贈官推恩如故事劉立道為中書舍人封還詞頭言今日之爭洵仁父子實有力焉得死牖下已為矢刑乃敢援例求恩不知上皇今在何地請自今崇寧以來侍從于上如洵仁等輩一切更不推恩自靖康初追錄元祐諸臣然議論不一是非淆混忠簡夙有此志以身任之因繳洵仁詞頭遂歷言熙豐紹聖崇觀政事人才善惡利害本末甚備上嘉納命榜之朝堂焉

臨軒疎決

自真宗以來率以盛暑臨軒慮囚建炎初廢二年六

月始詔疎決行在揚州繫囚雜犯死罪已下減一等杖以下釋之其後越州建康皆同此制紹興二年六月上在臨安甲申始臨軒疎決御史臺大理寺臨安府三衙諸軍係囚自是遂為故事然諸道未及也五年趙元鎮為相復舉故事命諸路提刑以盛暑行迄今不改然憲臣多不能徧所部則以諸州通判代行久之通判亦不能行第傳檄往來徒為文具而已朝廷屢戒飭之終不能革

參政分治省事

元豐官制尚書左右丞分治六曹後以為皆執政官

省府二字
有訛或莫
看府

乃令通治省事紹興四年張魏公再入省府上諭魏公曰朕于三四大臣皆當分委張浚可專治軍事胡松年可專治戰艦如財用亦須委一大臣後魏公相不果行七年魏公獨相三月詔尚書省常程事權令參知政事分治于是張全真治吏禮兵房陳去非治戶刑工房九月魏公免復詔三省事令參知政事權輪日當筆更不分治常程事竣除相如故自是參知政事復通治省事矣

修政局

自王荆公秉政始制置三司條例使以行新法其

元本吳元
中李校吳
原中

後蔡儋州當國踵其故置講議司儋州罷張文忠代之乃置政典局不隸三省靖康初徐擇之吳元中共政又置詳議司俄以人言罷紹興二年呂元直秦會之同相元直督軍于外會之欲奪其柄乃置修政局自領之詔職事官及守令以上言省費裕國強兵息民之策以戶部侍郎王叔敖為參詳官置局如講議司故事會議統諫時為尚書郎謂會之曰宰相事無不統何以局為會之不聽數月會之罷是日彗星出議者以為修政局所講多刻薄之事失人心致天變後五日遂罷修政局焉

元本三淑
李校黃

經界法

經界法李椿年仲永所建也紹興十三年仲永為兩浙轉運副使上疏言經界不正十害一侵耕失稅二推割不行三衙前及坊場戶虛換抵當四鄉司走弄稅名五詭名寄產六兵火後稅籍不信爭訟日起七倚問不實八州縣隱賦多公私俱困九豪猾戶自陳稅籍不實十逃田稅偏重故稅不行十一月癸巳疏上上納其言仲永又言平江歲入昔七十萬觔有奇今實入才二十萬耳詢之士人其餘皆欺隱也請攷按覆實自平江始然後推之天下因上經界畫一其

漢吳校
其字

八土地
五校核
他所宜
予意或
土地所

法令也民以所有田各置坵基簿圖田之形及其畝
目四至土地所宜永為照應即田不入簿者雖有契
據可執並拘入官諸縣各為坵基簿三一留縣一送
漕一送州凡漕臣若守令交承悉以相付詔專委
承措置遂置局于平江周敦義時守平江見仲永言
當均稅不當增稅仲永不從敦義遂坐事免十三年
六月詔頒其法于天下仲永亦遷戶部侍郎十五年
仲永以夏去命王承可以戶部侍郎代之承可請員
外郎開封李朝正同措置又請令民十家為甲自陳
不復圖畫打量即有隱田以給告者正月承可罷朝

正權戶部侍郎

十六年二月
月丙寅

十七年春仲永免喪復故

官專一措置經界

三月
丁卯

仲永復以給甲自陳為不便

謂令有司造圖而遣官覈實先成有賞慢令有罰十
九年冬經界畢民多詣臺省訴其不均曹庭堅筠時
為臺官因奏仲永私結將帥曲庇家鄉請罷之更選
官覈實十一月
辛丑初朝廷既頒其法于諸道其後有司
畫圖供帳分立土色均認苗稅民始病其煩仲永既
遣官屬分往諸路又遣覈視之議者不以為便明年
二月壬子戶部請委漕臣限一季結絕悉罷先所遣
官三月戊戌遂下詔曰昨李椿年乞行經界初欲去

齊本鄭克
李校鄭克
元本尚班
者李校自
庄者

民十害遂從其請今聞寢失本意可令監司將乖謬
害民者日下改正時勅令所刪定官開封鄭克經
川陝四路頗峻貴州縣故蜀中增稅亦多又官田號
省庄者所租有米穀粟麥麻豆芋粟桑菜鴨卵之屬
凡十八種皆令輸以錢故民至今尤以為患時馮濟
川檄為瀘南安撫使論于朝于是瀘叙長寧獨免經
界仲永蓋饒州浮梁人云然諸路田稅由此始均今
州縣估基簿半不存黠吏豪民又有走移之患矣

籍記監司郡守

紹興初樓仲輝資政為左史請命從官學可為監司

者令中書籍記姓名遇闕除授 上從之已而謂輔
臣曰朕亦常書之屏風以時揭貼其不任職而無他
過者以自陳宮觀與之乾道初孝宗新剏選德殿于
御座後作金漆大屏分畫諸道各列監司郡守為兩
行以黃簽標識居官者職位姓名其背為華夷圖云

隆興臺諫

隆興初湯慶公復除右僕射王諫議獻上章論列不
從奉祠大自是臺諫多引退者張忠簡闕時為工部
尚書因奏事面請增臺員上曰士大夫多賣直故難
其選忠簡曰直言士之所尚陛下開納則有益于國家

齊本左諫
國。吳
王諫議
身候考

士之
高李校
之所

胡忠簡銓時爲左史因造朝以張公之語質之

上曰此語非也朕以張闡所言論臺諫論事當辨曲直非謂賣直也明日張公請對又論臺諫一空上曰卿與胡銓昨日議論一同得非傳會朕止欲辨所論曲直非惡直也忠簡曰陛下當受垢納汙若較曲直是非便是距諫上改容紳之隆興主聖直臣益如此

隆興和戰

孝宗初受禪起張魏公爲江淮宣撫使上委以經畧北事魏公欲命李顯忠部宏淵引兵進取而史魯公

以宮僚位執政謂強弱不敵未可進也數從中止之魏公及陳魯公皆主招納東北人史公尤爲不可因城瓜洲由遣太府寺丞史正忠志道合兩淮帥臣監司集議俾諭以廟堂指意志道有口辨旣見魏公論說云云魏公之意不回而史公亦數因書爲言兵少而不精二將未可恃魏公不聽也時上意鄉魏公故史公拜右僕射而魏公亦拜樞密使都督江淮軍馬會顯忠宏淵進師取宿州命從中出三省樞密院不預知史公遂丐免不數日苻離師潰上意亦浸疑湯丞相遣之還朝復至和議由是魏公遂絀而海泗唐鄧

商秦棄矣論者惜之

孝宗革冗官

孝宗初受譚以官冗恩濫議革之欲定制百官已任子者遇郊恩權免奏薦開賢良科令中外晉薦而權罷特奏名隆興二年秋詔右諫議大夫王之望右正言尹穡殿中侍御史晁公武參酌來上之望言陛下卽位未久恩澤未徧此二事關於士大夫者甚衆願少寬之不已則宜立奏薦限員踰數者許回授罷門客親戚漕司之試止移鄰州如是則省額可減百十人此救弊之策也疏奏亦不果行至淳熙中始定奏

薦員限云

上書補官

乾道初陳正猷公參知政事時有衢州進士毛日新者以上書補文學陳公同葉相子昂覆奏其事且曰陛下識其人否上曰朕不識之但見累上書陳公曰士人上書果有益國家如賈誼治安之策魏元忠邊防利害雖朝奏暮召可也今觀其書無甚可行之事此例一開恐舉人舍本業而事上書紛然何以應之又安知非假手以欺朝廷也上乃止

乾道郊賜

國朝故事郊祀大禮宰臣樞密使賜銀帛四千疋兩
執政官三十三司使及資政殿學士五百密直已上
四百雜學士省副三百中丞給諫舍人待制各一百
慶歷二年減冗費于是執政以上各減一千三司使
減三百餘減二百中丞以下減三十遂爲定制焉渡
江以來宰臣郊資疋兩不過千乾道六年虞忠肅爲
大禮使率同列懇辭上不許忠肅曰舊來銀一兩爲
錢四百絹一疋爲錢七八百故千疋兩其直不過千
餘緡今則七八千緡矣或者但言 祖宗時錫予甚厚
今多從裁減不知所賜之直已過 祖宗時數倍矣參

知政事梁文靖公奏曰今祕閣中有 太祖御札禁軍
券錢至親筆裁減一二百者 上曰雖一麻鞋之微亦
經區處 祖宗愛惜用度如此于是上遂許羣公之辭
自是進香加恩率多辭賜矣

孝宗總核名實

孝宗總核名實于官職未嘗妄授劉忠肅爲建康留
守終更當再任 上知其政績特除觀文殿學士以旌
之執政擬除目云劉珙居守建康已及二年可除觀
文殿學士再任 上曰以及二年而除職非用人之體
乃改云居守建康績效顯著

淳熙慶壽禮

淳熙中再行慶壽禮時舊相史文惠以太保保寧軍節度使魏國公致仕居明州陳正獻以少傅觀文殿大學士福國公致仕居興化軍十二年十一月丁未甲二公赴闕立班今明州興化軍以禮津遣上又賜札令勿固辭用副延佇陳公以道遠不能至十二日史公至江臯上遣使賜銀盒茶藥又詔都城外賜御筵及見畢對御賜燕皆固辭甲戌入見內殿上爲之曲宴且還賜第居之十三年春正月庚辰朔旦上率百官簪花用樂上壽于康壽殿庭是日自人主至

羣臣禁衛吏卒往還皆簪花癸未百官拜表稱賀于文德殿又移班稍東箋賀申宮史公丐以戊子朝辭上不可賜手筆留之推恩拜史公太傅陳公少師二月壬子賜史公玉帶金魚庚子史公入辭且請歸賜第詔脩內司交割又命三省樞密院官燕餞恩數悉視文潞公禮遇之優自中興以來所未有

大理獄非得旨不許送理官宅

自神宗置大理寺者合尊一承受內降朝旨重密公事及推究內外諸司庫務侵盜官物餘民事送開封府乾道三年二月癸酉詔事涉情理巨嘉及經州縣

推勘番異者方許取旨送寺七年四月辛亥又詔諸處合送寺公事並取朝旨時曾欽道爲戶部尙書不以爲便是歲五月詣都堂白云六曹所行最計利害若候取朝旨恐事致彰露犯人東西請先次送寺仍申朝廷照會虞丞相出劄子許之自是六曹寺監事無巨細率皆送寺矣淳熙十四年王順伯少卿爲大理寺丞轉對言非所以重天獄請復舊典十月丁卯許之先是大理寺官散居僦舍論者以爲非宜淳熙中乃創大第聚居之如臺諫宅之比

福建經界

自紹興經界後久之諸道經界圖籍多散佚吏緣爲奸淳熙八年閏三月癸巳新知江陰軍王師古言于朝詔漕臣督州縣補葺八月戊辰諫官葛楚輔言其擾民乃止初紹興之經界也章泉汀三郡以何白旗作過之後朝廷恐其重擾止不行然漳泉富饒未見其病惟汀在深山窮谷中兵火之餘舊籍無存者豪民漏稅常賦十失五六郡邑無以支吾因有計口科塩之事一斤之塩至出數斤之直論者患之淳熙十四年四月福建轉運判官王回代還入見爲上言其病不專在塩請先行經界上是其言丙申以回爲戶

部右曹郎官往汀州措置未至官有武臣提刑言其不便遂止之其後朱文公守漳州亦以可行爲言而迄不聽也

軍中承代敦減

渡江以來江上及關外諸軍使臣死亡率以他人承代朝廷患之乾道二年正月建康都統劉源繳納事故人付身二萬有奇樞密都承旨龍大淵言于朝詔進源官二等然統帥多庇其部曲罕能行朝廷乃許之自陳敦減補正淳熙七年三月丁丑權吏部侍郎閔蒼舒才元言今內外報到承代官數二萬三千五

本圖著
李校閱
第舒

潘疑錄

百餘人請置無取會銷溶從之自後冒官率皆補正矣六部舊無圖籍八年七月才元始取索侍右簿書凡七百八十冊請下本部收管并令他部倣此以扼吏姦從之

淳熙臧否羣守

孝宗留意治民紹興三十二年十一月丙申首詔諸路師臣監司每日悉其部內知州治行臧否連御聞奏後以多事不克行淳熙八年閏三月辛巳復命監司帥臣歲以所部郡守臧否來上皆著事實卽考察不公者御史劾之十年四月丙申詔新知歸州湯鸞

常

罷所除官已酉以知常州范仲圭為利州路轉運判
官知瓊州韓璧提舉廣東常平茶塩公事知復州閻
門祇候王去惡為右領軍衛中郎將皆用監司奏臧
否也十二年六月丁丑浙東安撫使鄭丙提舉常平
等事勾昌泰皆坐奏臧否稽緩降官趙衛公時判江
陵奏言當舉劾而不必臧否之不從趙公因具文以
報事乃以七月乙巳詔漳汀州見任守臣令合監帥
司精加臧否來上已聞除政者俟令都堂審察既而
漳守黃啟首以臧聞遂除直祕閣任十三未幾又遷
廣東轉運判官九月乙巳侍御史陳賈奏言今諸路

本功已
稜乃以

宋○后
正滿果

臧否既上而黜陟未行請令諸州見任守臣係監司
所否之人許令自陳並與宮觀違者御史糾之使臧
者益勸否者知勉人言諸路臧否外間多不聞知請
割不給舍臺諫其不公不實者許繳駁論奏從之十
月癸亥又語今後諸路守臣臧否限次年二月終川
廣五月終聞奏時青神滿果知忠州為監司所否果
代還入見上問之果曰臣得罪于監司不得罪于在
姓翊日上諭輔臣曰滿果誠直可取十三年漳州府
路漕臣岳霖奏知瀘州眉山吏臯為否臯帥臣也五
月壬辰詔罷臯時趙昌裔者守全州帥臣林栗監司

月壬辰詔罷臯時趙昌裔者守全州帥臣林栗監司

五

宋若水張柳管鑑連年以為否六月癸丑詔昌裔奉
祠右諫議大夫陳賈言非所以示懲也七月己丑遂
寢其命十四年六月癸未江西提刑馬大同坐臧否
稽緩降秩時夔州路安撫楊輔所奏亦久不至己丑
詔詰之尋遂貶秩上既留意黜陟之政由是諸道皆
奉承之然行之十餘年或不免有徇私之弊上亦疑
其不可盡信常以諭輔臣要在精擇部使者而以臺
諫考察之庶乎可也

上語在十五年七月
丙午事具宣諭聖語

經筵轉官裁省

故事經筵講讀一書畢自儒臣脩注下至中人吏士

皆遷一官雖篙工廩卒無不沾被淳熙十三年冬陳
大諫賈因史院進書言酬賞泛濫上納其說于是吏
輩易轉官為磨勘者無慮三數百人議者猶以為濫
十四年春陳又言比經筵及東宮讀陸贄奏議皆終
篇經筵轉官者三十二人東宮講堂轉官循資者二
百九十一人平陽郡王府授論語徹章轉官者二十
二人至有點授論語末篇才一日而與轉官汎濫極
矣請自今並行裁抑官吏實預者量與推恩其餘竄
名一切省汰或量與犒設上從之

東字○后
東宮東字
未點去

役法總要

論建滋益多視舊法或牴牾吏緣為姦淳熙末中書舍人莆田陳居仁詳定所司勅令因請下勅令所取祖宗免役舊法又于戶部括取紹興十七年以後續降指揮精加參考其有與舊法牴牾者悉役芟去萃為一書名曰役法撮要書成鏤板布之天下從之

辛酉年三月

建炎以來朝野雜記甲集卷第五

建炎以來朝野雜記甲集卷第六

宋

井研

李心傳

伯微

撰

朝事二

道學興廢

自熙寧元豐間河南二程先生始以道學為天下倡二先生少學于汝南周茂叔其後學者翕然宗之二先生死其高弟門人前有河南朱公授劉質夫李端伯京兆呂與叔蘇季明上蔡謝顯道延平楊中立建安游定夫河東侯師聖伊川門人後有河南尹彥明張思叔東平馬時中福清王信伯涪陵譙天授中立

元本朱公
授李校朱
公授

彥明遭遇靖康建炎紹興之間致位通顯天授入朝于靖康而不合紹道學之說迄不可解甚至以朋黨詆之而邪正幾莫能辨至紹熙末趙子直當國遂起晦翁侍經筵而其學者益進矣晦翁侍經筵數十日而去位子直貶永州何參政淡為中執法復上擊道學之章劉樞密德秀在諫列又申言之于是始存偽學之禁矣先是 光宗登極劉德秀為殿中侍御史上疏極言兩議交攻之禍詔下其章後五年偽學乃禁

黨學五十九人姓名

自禁偽學之後劉侍郎珏以故御史免喪入見上言

言進言也疑不必

前日之偽黨今又變而為逆黨且獻策以消之于是

自慶元至今以偽學逆黨得罪者凡五十有九人幸

執四人趙汝愚右丞留正少保觀文王藺觀文殿學

周必大少傅觀文待制已上十三人朱熹煥章閣待

徐誼權工部侍郎彭龜年吏部陳傅良中書舍人兼

院薛叔似都承旨提學太史局章穎權兵部侍鄭湜

權刑部樓鑰權吏部林大中吏部黃由權禮部黃黼

權兵部何異權禮部孫逢吉權吏部餘官三十一人

劉光祖起居郎呂祖儉大理寺丞葉適太府卿總領楊芳

秘書項安世秘書省沈有開起居郎曾三聘知鄂游仲

郎校書郎明守准已卷六

元本行兼字李校點元本章錄李校章類

字祥

鴻軍器監吳獵御史李祥國子祭酒楊簡國子博士趙汝謙差

正

監左藏趙汝談前准西安陳峴祕書省范仲黼著作

校田浩

西庫趙汝談無司幹官陳峴校書郎范仲黼郎著

權工部郎

郎官汪達國子司業孫元卿國子博士袁燮太學陳武子

元本黃顯

正田澹宗正丞兼權黃度右正張体仁大府蔡幼學

李核黃顯

福建提舉黃灝浙西提舉常周南池州教授吳柔勝新

元本范仲

制鞏秘閣脩撰白炎震新通州武臣三人皇甫斌池州

王李枝范

范仲仁知金張致遠江并見于臺諫章疏者士人八

仲仁

人楊宏中周端朝胡徹林仲麟蔣伸徐範並太蔡元

張徽李校

定呂祺秦慶元三年十二月丁酉知温州王沈朝辭

校補

入見請自今曾係偽學舉薦陞改及舉刑法廉吏自

代之人並令省部籍記姓名與間慢差遣事即行黃

子由為吏部侍郎建言人主不當待天下以黨與不

必置籍以示不廣沈故資政殿學士詔曾孫也五年

六月己丑擢沈利路轉運判官時子由權禮部尚書

未幾出帥蜀張參政岩為殿中侍御史奏子由阿附

權臣植立黨羽遂降子由雜學士奉祠焉

御筆禁言舊事

黨禍既作隆慈與上欲消之御筆今後給舍臺諫論

奏不必更及舊事務在平正以副朕救偏建中之意

元本已酉

六月己酉

莫校已丑

未幾出帥蜀張參政岩為殿中侍御史奏子由阿附

權臣植立黨羽

遂降子由雜學士奉祠焉

御筆禁言舊事

黨禍既作隆慈與上欲消之御筆今後給舍臺諫論

奏不必更及舊事務

在平正以副朕救偏建中之意

明子准已卷六

奏不必更及舊事務在平正以副朕救偏建中之意

時劉德秀爲諫長與察官張德秀等上疏言繼自今
舊奸宿惡或滋長不悛臣等不言則誤陛下之進用
言之則碍今日之御札若俟其敗壞國事復如前日
而後進言則徒有噬臍之悔三者皆無一而可望下
此章佈告中外令舊姦知朝廷紀綱尙在不致放肆
從之尋詔改不必更及舊事爲不必專及舊事黃元
章爲殿中侍御史獨上言治道在黜其首惡而任其
賢使才者不失其職而不才者無所憾故仁宗常曰
朕不欲留人過失存于心中此皇極之道也至于前
事有合論列事體明證有關國家利害者臣不敢不

以正對疏奏元章竟徙他官

慶元罷臧否

孝宗淳熙中始嚴監司臧否郡守之令旣申收伯部
使者數人稽緩之罰時趙溫叔守荆林黃中守潭爲

本守漳
校守潭

上所禮特下詔趣之然行之十餘年其後士大夫往往
以人情之厚薄爲臧否論者頗患其不公慶元四年
十一月庚申新知漢陽軍蔣用之朝辭上疏稍論其
僞朝廷是之明年三月甲午右正言陳自强復以爲
言于是臧否遂罷

慶元臧否縣令

慶元中張君量帥廣西請令監司帥守各于歲終以所部縣令分臧否上中下三等合平而爲士次春上奏頒之考功如臧甲于一路者取旨陞擢而否之最者亦加黜廢其他次第勘酌施行以爲懲勸從之時六年六月己丑也然自來未有舉行之者明年君量入爲臺諫以至樞庭卒不能自行其說云

紹熙許薦士嘉泰罷泛舉

國朝薦舉之目自京職官至令錄其來遠矣元祐初司馬公始奏設文武十科以舉士其後又有舉將帥廉吏所知合舊陞陟自代等科凡十有一紹熙元年

冬又詔監司帥守滿秩造朝陞對之際許薦所部人牙一二人如無聽闕文武高下皆無所拘其後三年間在外被薦者八九百人朝廷不能盡用但令中書省記其姓名而已四年冬言者謂今被荐者猥衆朝廷疑其私而不信病其衆而難從其中縱有賢才不免與僥倖者併棄請條約之乃詔帥守監司自今毋得獨員薦士慶元元年十一月又詔諸司薦舉連銜以聞明年章德茂帥興元薦知利州閬中滿叔獻等三人政績有旨與監司及陞擢差遣胡紘爲御史上言叔獻等不聞有過人之才而猥以人情之厚獨銜

陞擢吳改
陞擢接前
條亦有
擇字當
以候更

元本二年
校六年

元本三行

舉薦詔勿行嘉泰二年二月右正言施康年又言近

日士大夫有持廉吏及科目薦章十餘至廟堂而得

學官者又有挾三四薦而得院轄者執政至無以却

之請除陞改自代十科外悉行罷去如朝廷間有特

旨令內舉薦者並其實迹以聞從之自此舉薦冒濫

少革矣

元年七月察官鄧友龍請
覺察所薦非其人者從之

執政子孫任祠官

祖宗時執政子弟皆得任內外清要官但不為臺諫

兩省耳自蔡京父子共政秦熈繼之由是典制大壞

孝宗惡焉淳熙八年八月始詔見任宰執臺諫子孫

元本陞政
李林陞改

敘敘事
不甚明晰
難多脫漏

並與宮觀岳廟埋為資考慶元六年閏二月又詔許
用前宰執舉狀為職司云

姚次韓論奏讞

紹興初陳云非在黃門始申嚴奏讞不當之令其後

浸寬慶元中東南有因詈人至毆死者而行寬之人

作何問奏裁姚愈次韓為御史上言如此是詈人之

罪重于殺人三年三月壬寅詔自今有奏讞死罪不

當者論如律

裕民五事

自紹興初令諸道守臣到官半年陳便民五事已又

月子詳已卷六

本

命給舍看詳其可行者以聞二十六年九月壬子其後寢廢

熙宗復申行之九年十一月戊午慶元初劉仲洪為諫長復

請專付檢正都司考覈取其近情合理者以聞二年七月

子三年四月丙辰復令給舍看詳以白執政而檢正

左右司檢詳擬行之然今諸路守臣所上言俱無甚

可行特姑存政事而已紹興三年二月甲寅初有認守臣到任具言其便民或邊

防五事以聞著為令

姑存疑姑存之悞

慶元緊要政目五十事

慶元五年十月右諫議大夫陳自强勉之上緊要政

事條目三十門人才 財用 軍旅 風俗 蓄法禁 薦舉 陳諍 學校 積

爵 教化 科舉 命令 賞罰 獄訟 稅賦

祿 邊隘 禮制 祭祀 銓選 任官 監司

守令 農田 奉天 奉祖宗 政令 請令侍從兩省講

任相 荒政 馭勇狄馬

讀官進故事曰于前項政事條目內選擇一事為題

先講前代帝王施行得失而登以祖宗故事然後論

今日事体所宜斷以已意使其進入編為一書如一

旬而講一事則一歲之間便有三四十事不過二年

朝廷之大政講究畢矣疏奏從之已而學士高文虎

炳如又以二十事上之如前請稽古 勤政 威斷

郵刑 惠民 久任 兵制 奉親 考課 選使 救弊 宗廟 宗室 漕運 茶鹽 常平 義倉

何自然論薦舉

朝野雜記卷六

七

奉人奉祖

示元本分

寫監司

守令元本

馭勇狄馬

馭勇狄馬

馭勇狄馬

趙子直秉政引用所知多自外徑除館學者何自然
為中執法以其廢壞 壽皇成法嘗上疏言之元年六月

已而有旨除甲科及經擢用人外須歷知縣有政績諸司薦舉乃得除職事官用矯其弊命下自然復言若此用人必有二弊一則其人政事雖無可述而有勢力可宛轉移書遍囑剡薦鼎來一則諸司之中苟有強有力者為之主張則他司莫敢違拒寒峻之士無由可進請詔諸司孔實有政績者連銜以聞仍關御史臺照會若有不公許本臺覺察從之元年十一月庚戌自然雖有是言然終不能革嘉泰初鄧友龍察院

復奏自慶元三年至于六年在在外被薦者無慮千餘人其間或乏廉聲而舉充廉吏或素昧平生而舉充所知或不能文而舉可脩著述至于廟堂亦無以處之願詔中外臣寮自今有人則薦無人則闕儻所薦非人當擇其尤者覺察以聞疏奏從之元年七月丙戌然亦未嘗有覺察者

監司郡守至官交割庫金

孝宗淳熙中有詔守臣任滿以見管錢物交後政或次官訖申戶部置籍代者限一月核實以聞著為令九年正月乙亥時蜀人有為總計及典方面者坐過例餽送

各數萬緡皆停官 九年正月戊子

三月癸未

郡守銓量

故事諸道守臣皆臨遺淳熙末 上以領蜀道遠始

詔川廣知州運見居川廣合闕到半年前奏事人及

係見闕去處並令詣本路轉運司稟事御漕臣精加

銓量人材委堪任使非昏繆老病之人結狀保明申

尚書省 十年十月庚子 然諸道罕常舉行紹熙末言者論漕

司之權比制司為輕而責亦不若制司之重權輕則

不敢有所廢黜責輕則不暇詳于顧計州縣不治職此

之由請一付之制司權重則雖廢黜之多而有所不

顧計利害亦當作顧計

數之二字疑衍文

伐者當是代者

憚責重則願計利害之深而不敢苟且如此則昏老

病疾之人不得冒居而州縣無不治矣趙子直始為

政遂白行之 五年十月辛卯 其後行之 數年議者不以

為當嘉泰元年五月復有一日並赴闕朝辭會之合

州郭公變等數人伐者皆過滿帥臣劉仲洪因請于

朝乃復令制司銓量免奏事焉大抵川陝道遠守臣

奏事者多以為勞若帥臣公心一意而無託請喜怒

予奪之私則銓量為得

嘉泰減奏薦

嘉泰初言者以官冗恩濫請凡娶宗女 授官者仍

舊法終止身任一子乾道二年六月集議止任兩府

使相不得以郊恩奏門客文學歸正官不許添差極

邊初官不許求郡大臣 丁憂解官遇覃恩不得遷

秩著為令從之元年八月已卯

建炎至嘉泰申嚴賊吏之禁

自 祖宗開基首嚴賊吏之禁重者輒棄市真宗以

後稍從寬貸然亦終身不用建炎二年春高宗 復

詔賊罪明白者不許堂除及親民差遣犯枉法自盜

罪至死者籍其貲二月辛未四年秋詔自今犯賊免死者

杖脊流配八月戊子是冬湖口令孫咸坐賊黜穎連州

宗後二字

上謂輔臣曰祖宗時賊吏有杖朝堂者黜而特配尚

為寬典十一月壬子紹興四年秀州黃大本遂決刺焉然

高宗性仁厚但行之數人而止七年秋死嘉令季

處廉貸死籍其貲自是為例九月丙戌二十六年秋處守

鄒相犯賊當死榭鄒忠公子也 上見其獄感額久

之曰既賊罪不可貸乃編置吉州九月癸丑隆興二年秋

統制官魏尚者盜用所部軍食為錢三千緡獄具

孝宗謂湯丞相曰故事當直決湯

丞相曰尚武人不足深責願 陛下三令五申 上

免從之九月己丑遂降詔禁止十月乙丑其後廣西提刑石亨

史何悞

義抵罪始刺配焉淳熙五年原闕

上既申

保任京官連坐之罰十年夏又詔自今自盜枉法贓

罪至死者籍貲決配不以秩位之高下形勢之輕重

朕將一槩施之六月戊戌遂命監司帥臣歲舉部內廉吏

一二人具實跡來上令中書籍記無則闕之六月己未然

亦未有決刺者慶元元年倪正父為吏部侍郎建言

今之達官貴人贓以萬計監司臺諫按發不過放罷

前之行遣既不究實後之辨雪遂得有辭請自今以

貪墨聞者雖未欲送獄根勘亦合差官究實懲治庶

幾大贓治而小贓懲八月己丑其後亦不克舉行嘉泰二

且疑其

年冬言者又論臣僚贓私巨萬具載章疏投閒數月

便得祠祿請自今皆須二年十一月庚午雖有是言然臺

諫所論或得于風聞朝廷察其誣未嘗不按拭也若

究實懲治則賄者無以幸免而枉者可以復直矣舊

以絹計贓者千三百為一疋後增至二千紹興三年

高宗以絹直高特下詔增一千九月辛未乾道六年復

詔權以四千為一疋三月甲戌迄今為定制

近歲堂部用闕

渡江以來員多闕少中外久患之紹興末寺監丞簿
學官大理司直樞密院編修官始皆有待次者乾道

按擬二字考

十三百疑
悞或是千
三百

此條小注
與衆多
不可句讀
一仍其舊
以俟善本
訂正之

五年秋孝宗遂命皆與添差一次自須見闕乃得除
然近歲東南郡守率有待闕至五六年蜀中亦三四
年由是朝士罕肯丐外而勢要之人多攘闕者淳熙
十三年詔自今存留州郡十五闕止差一政令中書籍
記以待職事官外補慶元元年又增為三十闕非職
事官補外毋得陳乞然廟堂牽于丐請率多借用嘉
泰二年夏言者請以嘉興府處台衢嚴信池袁撫江
潮漳泰溫徽州十五闕令中書再行注籍專待職事
官請外如有經營留闕之人令給舍繳駁臺諫論奏
從之
四月
辛卯令監司帥臣亦有待闕者
今年幸煥柄知
夔州待除何侍郎
異闕而待左選人用六年闕侍右小使臣川五年

王候甚
選入疑

闕云小使臣初用五年一月戊申吏部請
用闕慶元六年閏六月半闕許之

嘉泰禁私史

頃秦丞相既主和議始有私史之禁時李忠簡嘗
以此重得罪秦相死遂弛語言律近歲私史益多郡
國皆錄本人競傳之嘉泰二年春言者因秦禁私史
且請取李文簡續通鑑長編王季平東都事畧熊
子復九朝通畧李丙丁未錄及諸家傳等書下史官
考訂或有裨于公議即乞存留不許刊行自餘悉皆
禁絕違者坐之二月
甲午文簡所著長編凡九百餘卷
孝宗甚重之李平子復皆嘗上其書除職遷官館

內以父任監行在都監食乾道八年夏上其所編丁
未錄二百卷自治平四年至靖康元年詔特改京官
六月付國史院然紀載無法學者弗稱焉其秋商人
戴十六者私持子復中興小歷及通畧等書欲渡淮
昭旰軍以聞遂命諸道帥憲臣察郡邑書坊所鬻凡
事干國體者悉令毀弃七月中興小歷者自建炎初
元至紹興之季年雖已成書未嘗進御其書多避就
未為精博非長編之比也

建炎以來朝野雜記甲集卷第六

建炎以來朝野雜記甲集卷第七

宋 井研 李心傳 伯微 撰

時事

張魏公誅范瓊

范瓊者山東人靖康初幹離不入寇瓊以萬人勤王
拜京城都巡檢使二帝北狩張邦昌僭立瓊實與其
謀以此遷龍神衛四相都指揮使 高宗即位釋其
罪以為御營平寇前將軍明年冬俾將兵伐瓊至東
下虜方盛遂自淮西間道移江東日以聲色自奉又
轉而之江西苗劉既誅吕安老為諫官首奏其罪且

阿相疑四

以到人以字疑衍

未肯下疑

脫一字

于是當作守時

下疑脫

有耻瓊之策時陳制戢為監察御史奉詔召瓊入朝
瓊陳兵以制人以懼之陳不為動徐謂瓊曰將軍
不見苗劉之事乎願熟計瓊乃引兵趨行在既至未
肯釋兵因奏乞貸管軍左言等朋附苗劉之罪又言招
盜賊十九萬人皆願聽臣節制 上駭而怒于時呂
忠穆為相張忠獻在樞密院忠獻奏瓊大逆不道罪
惡貫盈今釋不誅他日必有王敦蘇峻之患 上許
之公奏曰臣與瓊舊有嫌不敢獨任其事願付張浚
劉彥冲子羽時權樞密院檢詳文字忠獻退召彥冲
謀之夜 吏于府中使為榜劉救書備明日退朝乃

疑衷
御副

偽遣神武右軍都統制張浚以千人渡江若捕他盜
者使其眾甲以來因召御副使劉光世及瓊赴都堂
計事瓊從兵溢塗巷意象自如也忠穆等相顧未發
彥冲坐廡下恐事覺遽札寫救黃紙詣前揖瓊下曰
有敕將軍可詣大理置對張公數瓊罪瓊貽愕彥冲
已揭榜數其罪狀于省門公使光世出撫其眾曰所
誅止瓊耳若等固天子自將之兵也眾投刃曰諾即
分其兵隸神武五軍械瓊送棘寺後五日有詔賜死
中外快之先是國威不立諸大將多偃蹇不恭及瓊
就誅始知有國法矣

處州義役德興義役

乾道中范文穆成大知處州言松楊縣民輸金買田

此排此疑排

以助役戶為三千三百畝有奇排比役次以名聞官不煩差科可至一二十年者請命諸縣道行之事下戶部看詳蓋江浙民久病差役催科往往破家竭產用是良民憚役爭訟囂然故文穆以為言然事未下也及文穆以為中書舍人復言處州六邑義役已成可以風示四方美化命守臣胡沂以其規約束上從之乾道七年正月淳熙初知州事陳孺還朝乃言民間貧富不均今止據舊規差役爭訟不已請依舊法以物力

受穆以為中書句有悞或疑作已為

資次差募事下常平司三年二月已而用言者請命郡太

守務在必行有能率先量與推賞六年正月言者又請有

罰以禁其沮敗六年二月許之於是知常州李結請捐官

田予民以充義役自兩浙始先以本州未佃官田二

百餘萬畝均給事下版曹給舍乃命結措置以聞六年

正而卒不能行久之處之布衣上書申言義役八年十二月

月詔知州事計翔修義役翔因請民田百畝毋問官民僧道

皆出二畝以助保正長官為置站基簿子孫毋得覬

覷此法一成可為數百年之利上許焉然官民僧道

既出丁役錢又取其田以助役者是再役也議者又

命給疑命結印本結也

謂官吏科需法所當禁何立法以助殺陪備之資由
 是處州舉人經御史臺訴其擾十年翔不以為然執
 政王魯公等皆是翔時蔣尚書維周為右正言因力
 論其擾民請罷翔議令兩浙見行助役去處聽民從
 便官司不得與或有爭訟令郡國如着令行十五年
 冬十月也先是先君子為饒州德興宰奉詔舉行義
 役令民以田之多寡為役之久近多者役二年少者不
 過三月又自三等以上戶賦輸皆與之期不以諉保
 正至則隨手給鈔賫民一錢用是稅節賦時以後為
 耻而保正長之役亦爭先為之不辭邑人繪先君像

祠焉大府寺丞浮梁程宏圖為之記今二十年矣其
 義役規約故在當有能舉行之者云

建炎以來朝野雜記甲集第七卷

父

中書

以後

父去

世之

建炎以來朝野雜記甲集卷第八

宋 井研 李心傳 伯微 撰

雜事

宇文肅愍死事

建炎初宇文樞密虛中應詔使北虜人留之後以為樞密紹興中虛中陰結中原忠義欲俟虜首郊天日舉事而使朝廷應之先以螭書來上秦會之用事遽繳其書遺虜人 高宗不之知也會虛中事亦自洩虛族其家株連死者甚廣淳熙中 孝宗念其忠死始贈開府儀同三司謚肅愍且為置後其孫紹節今



爲右司郎中

繳還螭書謚議云爾
或未必然蓋自露耳

何文縝建元帥議

靖康中何文縝初相虜再犯京師康王在河北文縝請以帛書拜王爲大元帥淵聖可之文縝既北去御筆藏于其家紹興中文縝之弟榘持詣秦丞相乞進于朝秦方主和惡聞其事抑不奏秦死榘知萬州乃申建康乞會申王府御筆所在秦氏取而還之淳熙十二年洪端明領史院請下隆州索其書編于中興日歷榘子通判印州事令修以聞詔付史館遷令修一秩知榘州云

書誤

如榘州疑
誤

朝士投匭免知任

故事臣民投匭上書者皆從檢院押出召保乃許自便紹興三年秋地震求直言太常少卿唐恕應詔上封事檢院官以故例待之辛閣學時爲臺端言有戲禮意請行在職事釐務官上封事者並實封牒送檢鼓院投進不在召保知在遂便之限從之

大臣奪情服縵

故事大臣奪情者服造光幘縵紫袍阜角帶道君惡之政和末始議以入官不應變服遂以吉服朝然居家猶喪也紹興初朱藏一起復右僕射請所服太常

戲字誤

誤幘原本

然房家可
誤

遂援政和近事為請而居第則縵服去佩焉議者不以為是

趙元鎮用伊川門人

趙元鎮初相喜用伊川門下士當時輕薄者遂有伊川三魂之目請元鎮為尊魂王侍郎居正為強魂以其多忿也謂楊龜山為還魂以其身死而道猶行也時龜山初亡朱內翰震言于朝因賻數甚厚故有還魂之目焉

鄭亨仲欲併掌利權

建炎中張魏公為宣撫處置使節制川陝京湖十三

宣司疑有
司或宣撫
始字下有
號文

路便宜黜陟魏公既罷其后去便宜猶于兵民財無所不摠故其權常重若財賦舊以都轉運使領之然大抵皆隸宣司紹興中秦會之既與鄭仲亨有間十五年十一月始命趙侍郎不棄以太府少卿為四川宣撫司摠領官蓋陰奪其柄亨仲不悟也趙入疆移文宣撫司用平喋亨仲見之愕而怒久之始悟其不隸已也十八年宣撫司罷又改為摠領四川財賦錢糧蓋自為一司迄今不改然自辛巳用兵後凡文臣執政官為宣撫使則摠領官用申狀受約束武臣為宣撫使則抗禮平焉

節度使元
本俱作節
度使今依
舊鈔改使

節度以軍禮見宣撫

紹興中鄭亨仲為川陝宣撫副使大會諸將于閬州
時吳武順璘楊襄毅政郭恭毅浩皆以節度使來會
亨仲坐堂上吏贊客亨仲遽興日高猶不出既而政
先執挺謁亨仲乃受之尋與璘浩循階以客禮見蓋
璘時以右護軍都統制駐武興浩以樞密院都統制
駐漢陰而政在漢中寔宣撫司都統制故也十八年
始有旨並稱某州駐劄御前諸軍都統制然詣宣威
府悉趨庭焉論者以鄭為得體

虞井甫長者

虞井甫丞相仕未達常調官臨安攜所注新唐書以
干秦丞相未上會其同州者竊得本以獻秦井父知
之乃更以他書為贄已而竊書者先去疑井父必怨
已遇士大夫所輒詆之井父還知渠州過夔沈守約
丞相為帥問井父以同州之為人井父稱其美守約
屢詰之井父不變守約曰是人毀君不容口君毋為
過情井父曰渠所長甚多但差好罵耳守約太息每
稱其長者未幾守約入參大政白召井父為秘書丞
相以至大用云

元本屢告
之或是屢
詰之之悞

陳魯公鎮物

明野雜記卷八

四

當是金海
陵王場

紹興末金陵海場王臨江中外懷懼朝士多遣家為
避狄計時陳魯公為左相獨鎮之人心少安一日邊
郡羽書末上趨召輔臣公獨後至中使屢趨之陳行
愈益緩上嘗夜出于札欲散百官浮海避狄公對中
使取御札焚之當是時都人將遁去賴陳不為搖都
人乃止北虜退獨公與王通老家屬在城中

張魏公薦士

隆興初張忠獻公再入為右相上注意甚厚使公條
奏人才可用者公奏虞雍公允陳魏公俊汪端明應
王詹事十張尚書言關可脩執政劉觀文琪王閣學大

可任
重諫皆一
時選也帶
字候益書
每字之半

杜殿院起宜即還胡資政銓可脩風憲張舍人孝
可付事任馮提刑時馮少卿方可脩近臣朝士中林
侍郎葉王侍郎五莫少卿冲可任臺諫皆一時選也時
劉王杜三人皆以論事去國故公請召之其後悉為
名臣終孝宗朝不顯用者數人而已

趙溫叔使北

趙溫叔為舍人使北還入見上問朕何如葛王溫叔
奏曰臣觀葛王望之不似人君規模氣象不及陛下
萬一中原不日可復也臣敢再拜賀上大悅

韓子師折虜使

淳熙中虜人有舉進士第一者記其姓名不審奉使來賀正且自負其辨頗凌慢王人時以韓彥古子師館伴一虜使自誦其廷試賦雲屯一百萬騎日射三十六熊之句以為警策子師遽曰一百萬騎僅能得三十六熊何其甚也虜使惘然熊射侯也韓不學竊以為熊罷之熊故虜使猝無以應然自是辭色頗恭時人亦多韓之敏捷

蘇文忠贈官

乾道末蘇文忠特贈太師世或不知其所以蓋仁宗時蘇儀甫嘗為翰林學士元祐中以其子榮貴贈太師始

儀甫嘗游金山題詩曰僧依玉鑑光中住人在金鰲背上行至是蜀僧寶印住金山摘其詩名軒曰玉鑑又囑張安國大書而刻之張跋云此詩翰林學士贈太師蘇公所賦也碑成僧募以遺大瑄甘昇一日上過其直廬外望見索觀之意以為文忠也時文忠曾孫季真為給事中他日上更書文忠詩以賜之識其末曰故贈太師蘇軾詩季真拜賜疑之前白曰先臣紹興初嘗贈資政殿學士未嘗贈太師今蒙聖恩乞自朝廷行下上愕曰朕記贈太師久矣季真不敢白間為執政言之執政因奏以為言上始喻金山寺詩

乃蘇紳也蘇卽曰如軾名德昭著亦當贈太師于是降旨施行然上寔雅敬文忠居常但稱子瞻東坡舍人草制有曰人傳元祐之學家有眉山之書蓋詞無所憑故但爲好語耳

保任京官連坐

保任京官犯贓連坐舊制也然近歲未有舉行者淳熙初錢師魏參政事會其所舉者以賄敗上疏自劾詔特鐫三官吏部因是以他舉官名聞皆坐降秩紹興初趙溫叔所舉以贓抵罪用故事當削三秩而溫叔時爲使相若降三秩則應落袞鉞爲銀青光祿大

識是因前制其文耳

益州郡公疑有脫文

夫朝廷難之于是自衛國公降封益州郡公削其食戶二千而已其後周洪道連坐亦自益國公降封榮陽郡公蓋用溫叔例蓋大國視郡公爲三資衛國故并削封戶

張敬夫遺表

張敬夫帥荊州庚子春疾甚數丐免不許將死自作遺表來上邸吏以庶僚不得上遺表卻之上迄不見也其表曰再世蒙恩一心報國大命至此厥路無由猶有微情不能自己伏望陛下親君子遠小人信任絕一己之偏好惡公天下之見永清四海克鞏不圖臣死之日猶生之年敬夫了然不亂如此所謂古之遺忠矣敬夫卒之四日 上聞知其疾病乃右文殿

大命疑天

秀字下有

修撰奉祠敬夫始以父任爲右承務郎平生未嘗乞磨勘上知其在廣西特進二秩爲承事郎故職雖高終不得任子云

王瞻叔與王時亨爭禮

自席大光後成都守臣率兼四川大帥惟本路監司以無轄之故得就廳事所下馬他路則不然爲守者率侍從近臣故監司見者必上喝更乘小輿自側門入紹興末王時亨爲守王瞻叔爲轉運副使將穿戟吏以故事白止之瞻叔不平他日檄府以某日按視金

日轉運副使來檢點成都府公事非見制置使也時亨不能語

郡守越境省親

故事守臣無得越境者王正仲守揚其親居潤才隔一水正仲因乞告省親許之乾道中史丞相守紹興援例省其母于四明越屬郡也淳熙末耿直之侍郎爲四明守其父年九十矣直之以親病乞辭聽直之未用事謁告歸江陰省親上特許之時有爲湖廣總領者以母老請用季春至湖州迎侍上亦許焉 孝宗錫類之施每如此

奉祀汾陰寶

淳熙十四年春有士人士願者獲一古印以皇帝駕奉祀汾陰之寶九字爲文重十三兩士愿以爲真宗西祀所作時吳少保琚爲淮東摠領以五百千償士愿取其寶獻于朝詔藏天章閣士愿以其寶生金所鑄償價未足詣御史府訴蔣世脩繼周爲中執法請命有司覆寔且言祖宗遺寶復歸中禁縱使是銅亦當溥賞務重大體豈較細微事下工部將作監覆寔驗之果銅也乃詔士愿免罪三月按汾陰記封金匱用受金寶封石匱用天下同文寶此寶不見于記載故

朝論疑之卒不加賞云

陳子長築紹熙堰

兩淮土沃而多曠土人且耕且種不待耘耔而收十倍浙民每于秋熟以小舟載其家至淮上爲淮民獲田主僅收十五他皆爲浙人得之以舟載所得而歸有張拐腿者淮東土豪也其家歲收穀七十萬斛金亮入寇執得之問以江南虛寔張不肯言亮斃其兩股無餘終不以告乃舍之後虜退師張亦不死淮民因謂之拐腿云紹熙末陳子長捐之提舉淮東常平以淮田多沮洳因築隄數百里捍之得良田數萬頃

事聞賜名紹熙堰子長除直祕閣淮東轉運判官朝廷念淮民至于捐其稅

建炎以來朝野雜記甲集卷第八

建炎以來朝野雜記甲集卷之第九

宋 井研 李心傳 伯微 撰

故事

潛藩州建軍府名

舊制天子即位嘗所領州鎮自防禦州而下皆陞軍名節鎮州則建為府如英宗自齊州防禦使登極升齊州為興德軍神宗自忠武軍節度使建儲升許州為穎昌府之類孝宗受禪以始封洪鼎宣建州舊有軍額則建為隆興常德寧國建寧府而劔州止升為普安軍紹興中始再升為隆慶府盖用此制光宗自榮州刺史進

封恭王今上自國公出就傳後封嘉王四川皆為支郡然三州躡升為重慶英德嘉定府而榮州至今不錫軍名蓋中書之誤

百官轉對

故事百官五日一轉對紹興六年十一月詔百官應轉對而疾病者許封進文字更不引對其後秦相當國久惡聞人言于是百官當對者多托疾不上十七年八月詔自今當對而在告者疾癒日上殿命吏部約束之然所對者不過大理官十餘人 姑應故事而已白孝宗臨政垂意人才乾道淳熙間朝士抱

納束之疾
約束之

才氣者皆以得見上為喜而碌碌者頗以傳對為厭然士大夫不為大臣所喜者往往埃其對班將至預徙他官至有立朝踰年而不得見上者蓋輪其官而不輪其人此立法之弊

大臣賜書閣名

宣政間大臣賜書閣多得御筆閣名若蔡京曰君臣慶會王輔曰得賢治定是也紹興初高祖以平江朱勛南園賜韓忠武題其賜書閣曰懋功後秦申王閣曰一德格天楊和王閣曰風雲慶會史會稽王閣曰明良慶會云

皇甫坦賜書閣
各紹興煥文

疑題云

宰臣生拜太師

國朝自建隆至紹興宰相生拜太師者五人爾趙韓

王普文潞公蔡魯公京秦申王檜史會稽王浩惟

蔡秦二人以相特拜其他皆還政加恩云

親王生拜太師

本朝親王生拜太師者五人真宗朝楚王元佐仁宗

朝燕王元儼哲宗朝吳王顥欽宗朝燕王悞越王偲

皆以父兄行乃得之紹熙中嗣秀王伯圭以室特拜

太師蓋王子光宗為親伯用優禮也

建隆至嘉泰宰相數

國朝宰相自建隆至嘉泰凡一百有二人前輩既自

建隆元年至元祐五年一百三十年凡五十八人自元

祐五年至紹興六年四十四年凡二十八人以為兩

倍于前矣自紹興七年至今嘉泰二年六十六年其

間宰相或席不暇煖而才二十有四人蓋秦會之獨

相十八年故也

中興宰相久任者

中興宰相二十九年自秦申王外其踰三年者八人

而已王魯公淳熙八年相十五年罷凡七年留衛公

淳熙十五年相紹興五年罷京魏公慶元二年相六

年薨皆五年陳魯公紹興二十九年相隆興元年罷
凡四年虞雍公乾道五年相八年罷趙衛公淳熙五
年相八年罷周益公淳熙十四年相紹興元年罷皆
三年謝魯公慶元六年相至今亦近三年

宰相位公孤封國

高宗宰相十五人惟秦會之為太師呂元真為少保
其他未有至公相者而封國亦止二人秦益公檜孝
張和公俊
宗宰相十五人其至公者五人而已史文惠太傅張
忠獻陳正獻皆少師陳文恭虞忠肅皆少保然封
國者已十人陳文公王文定皆封魯史文惠張忠獻
陳正獻皆封魏湯特進封慶虞忠肅封

有脫候

雍文靖封鄭趙開府紹熙後宰相凡七人京仲遠以少
封衛周少傅封許
傳封吳國公周洪道留仲至謝子肅以少保封公衛
魯三國公葛楚輔余處恭官皆至特進宰相官爵之
穹未有如近歲者也

中興宰相封國數

中興宰相封國者有呂忠穆成秦申王莘衛慶張忠
獻和湯特進榮陳文恭信福史郡王永魏陳正獻申
魏虞忠肅梁文靜儀趙聞府沂王特進信福
周少傅齊許留少保申衛京文忠沂鄭謝少保申岐

一國封兩公

朝野雜記卷九

故事未有一國封兩公者宣和末鄭達明封燕國公及薨蔡攸乃封燕國淳熙中史太保封魏陳少傅封福及慶典陳少傅進封魏國公時史公尚無恙也近歲趙沂公既封衛後數歲留申公以左揆復封衛國公一國兩公盖失于討論耳

宰相追封三爵

中興宰相追封王爵者二人秦申王以久任史曾稽王以舊 皆異數也

中興諸將封王數

中興諸將生享王封者四人張忠烈循魯楊武恭和楊

武恭

存中

吳武順

璘

追封真王者五人張忠烈

循魯韓

恭

和

吳武順

信

韓忠武

鄭

吳武安

浩

追封郡王者

一八劉武光世

安城郡王

中興外戚封王數

中興外戚封王者自信安孟王忠厚始其後平樂韋王淵大寧吳王益永寧郭王師禹皆以元舅之貴乃得之慶元中韓太傅侂胄以中宮從會祖封平原郡王盖殊命也

高祖朝叅政最多

太宗乾德二年始置叅知政事自是凡十三年止四

人而已仁宗在位四十二年叅知政事凡三十七人
徽宗在位二十六年凡三十四人高宗在位二十六
年凡四十八人孝宗在位二十八年凡三十四人以
累朝較之高宗朝除人最多蓋秦丞相專權不欲其
久在位故耳

小雨制除執政

故事小雨制未有除執政者乾道二年蔣子禮始白
中書舍人除簽書樞密院事

中興左揆數

中興左相十六人高宗朝七孝宗朝六光宗及慶元

嘉泰三外若范覺民洪景伯蔣子禮葉夢錫趙溫叔
皆獨相而止居右朱藏一張德遠史直翁梁叔子皆
再入而亦止為右揆焉

本朝宰執父在恩數

本朝執政父在者若王文康溥章雷州淳張文孝觀
吳正肅奎安觀文壽何開府棗朝廷皆因其人踐二
府而後加恩命然但除四品寄祿官致仕爾徽宗用
李太宰邦彥秉政眷遇甚渥其父浦始特除右文殿修
撰遷寶文閣待制奉朝請及死又贈雜學士謚宣簡
云浦懷州人以銀銀為生其除拜皆非故事然當時

無正之者政和初林彥正據自翰林擢為執政其父
 卽以寶文閣待制遷直學士蓋異數也近歲程叅政
 為諫長其父九萬以子在臺省日久自直敷文閣
 除秘閣修撰嘉泰中以程入兩地再除華文閣待制
 與提舉禮泉觀奉朝請視政和恩數為優云

國朝父子祖孫兄弟宰執數

國朝父子宰相二家呂許公申儀韓魏公公儀祖孫宰相
 曾魯公道欽兄弟宰相一家韓康公莊敏父子執政十三
 家曹武惠子武韓忠獻子獻肅特石元詵子又陳晉
 公子恭王仲明子忠王惠獻子安呂文靖子惠穆范
 公子恭

文正子忠宣曾宣靖子今蔡新州子彥清蔡詹州子安
 秦申王子伯陽王敏節子能甫祖孫執政八家張師點孫簡
 翼王文獻孫康靖梁莊肅孫才甫富文忠孫學申張章簡孫元
 量張榮僖曾孫忠文錢文僖元孫處和蔣穎叔曾孫子禮兄弟執政
 十二家呂鎮弟正惠陳文宗弟文惠任康懿弟安惠吳正肅
 弟正吳惠穆弟正獻韓獻肅弟持國莊敏王文公弟和甫蔡僖
 州弟元鄧子能弟文簡洪文惠弟文安宇文仲理弟蘭敏叔
 姪執政四家胡文恭從子修簡林文節從子彥振史簽樞從子文惠
 章文獻從子厚孫質夫三世宰相呂文穆從子文靖三世執
 政二家韓魏公子儀公曾孫似夫曾魯公子令道四世執政

與

一家呂許公

從父文穆子惠穆
正獻曾孫爵徒

渡江後父子兄弟建節數

渡江後父子建節十三家劉光世

子景慶錢忱子景那

煥子孝楊

韋淵子謙吳玠子璘郭浩子果楊存中子俊劉

錡子武仲

吳益子挺吳蓋子懷吳挺子儀兄弟建節七家吳

玠子璘

錢忱子恤韋謙子說吳益子蓋吳洪子挺吳瑀子懷李孝友

孝

三世節度使一家吳璘子挺四世節度使二家錢

忱

高祖俶曾祖景璘鄭藻文父紳父成五世節度使一家

韓侂胄

曾孫忠獻從子邈從
孫同鄉從曾孫族

本朝未三十知制詔未四十拜相者

本朝未三十知制詔者蘇文簡

六吳元中二十晏

元獻宋宣獻王懿恪張安國

皆二王文正夏文莊皆三

十未四十執政寇萊公

三張魏公三十晏元獻三十

蘇文簡錢宜靖韓魏公

皆三趙韓王王沂公皆三富

韓四未四十拜相者范覺民

三十吳元中何頌皆三

張魏公三十

中興學士秉政者

中興學士自建炎丁未至嘉泰壬戌凡七十人

承旨直院權宜

並大拜者十一人朱忠靖

勝沈特進詠湯慶公思虞

雍公文允史魏公浩

洪文惠適蔣觀文帶梁鄭公克周

益公必大王魯公淮葛開府邨執政者又二十九人可謂盛矣

渡江後學士再入三人者

渡江後學士三入者二人胡端明交王端明嚴再入

者十六人張文靖守綦寶學密沈忠獻與陳資政

與義孫資政近劉閣學才李侍郎椿洪文安遵錢給

事周材洪文敏邁劉忠肅琪劉資政聞周益公必大王

魯公淮倪侍郎思

國朝學士久任再入三人者

學士久次者晁文淵迥十六年王文公珪十二年王

文忠堯臣十二年宋文安白章文憲得趙清憲升楊

內翰偉皆十一年陶尚書丁文簡度皆十年扈尚

書蒙蘇叅政簡賈叅政中李昌武宗孫文懿依胡文

恭宿皆九年徐常侍楊文公億皆八年歐陽常侍

宋宣獻緩歐陽公修皆七年梁給事周李相州維

晏元獻殊馮宜靖元皆六年熙寧學士率一二年即

遷久次者三四年而已高宗朝湯慶公孝宗朝周益

公始皆六年學士再入三人者宋文安兩入凡二

十年李相州孫文懿皆十二年楊文公范仲文皆九

年曹宣靖馮文簡皆七年葉道卿張文定皆六年宋

景文楊宣懿皆三入而止五年渡江後周益公再入凡九年胡端明二入跨六年久次者止此二公而已

父子兄弟入院數

錢文僖公記父子入院一家李文政武昌兄弟入院三

家二寶可象二李文靖二錢希白以為極盛矣其後

父子入院者又四家錢希白子飛梁仲素莊蘇儀父子容

洪忠宣景白兄弟入院者九家二陳文惠二宋元憲

景二吳正肅二韓康公二蘇文忠二魯文肅二蔡元長

元二宇文仲理三洪文惠然馮氏父子兄弟入翰

苑者四人古今所未有也

季又望
頭家希白
改四家
共舊矣
誤考

西閣久次

祖宗時西閣久次者王晉公再入凡十六年朱公皆十二年盧崖相十一年扈日用李孟雍皆十年張尚賢石文定皆九年錢文僖宋宣獻李儀父皆八年李相州王沂公劉子儀張文孝皆十年盛文肅錢希白丁文簡晁文莊皆六年

非進士除內外制臺諫經筵史館事始

國朝非進士出身除學士林彥振始韓持國以省試合格但避嫌不赴廷除舍人自顏夷仲始除講官吳傳正始除諫官自徐師川始除臺官自曾統始除史官自邵博始任

先已先賜出
後乃入史院

中興講讀官節料

中興講讀官三大節料大觀文錢百五十千酒十瓶大資政以
上錢百千從官酒錢五十千餘官錢三十千紹興十五
年冬所著令也

制科宰執數

國朝制策登科四十人至宰相者一人而已富文忠
弼執政者九人夏文莊疎吳正肅育張文定方田宣
簡况吳文肅奎邵安簡轍李黃門清蘇文定清范榮
公百

詞科宰執數

自紹聖乙亥至紹熙癸丑以宏詞中選者凡七十二
人其後至宰執者十一人孫忠定傳滕樞密康盧左
丞益張文靖守范叅政同秦忠獻楸周樞密麟洪文
惠遵洪文安遵湯慶公忠周益公必入翰苑者二十
一人吳龍學升盧丞相益孫尚書觀張文靖守滕樞
密康胡尚書友范叅政司劉侍郎才王端明儻湯丞
相思周樞密麟洪丞相適洪樞密遵洪內翰邁莫直
院濟周丞相必趙舍人彥李尚書嶽陳侍郎峴陳內
翰宗

狀元大拜數

建隆已來狀元已歿者六十九人而大拜者七人而

已呂文穆蒙正王文正曾李文定迪宋元憲庠何開府

梁文靖克家趙銀青汝愚是也執政凡十人楊樞密灼

王景莊嗣宗蘇叅政易簡陳文忠堯叟張文孝觀蔡文忠濟

王文忠堯臣馬文簡京許黃門府陳樞密誠鄭樞密僑

是也節度使二人陳康肅克谷王懿恪拱辰是也

父子祖孫兄弟狀元父子兄弟賢良

國朝父子狀元三家張去華子師德安德裕子守亮梁顥

子祖孫狀元一家沈邁孫晦兄弟狀元二家二陳文忠康肅

五孫漢公陵幾父子賢良一家錢希白子明逸彦遠兄弟賢良

二家二錢子高子飛二蘇文忠文定

狀元舉制科

唐貞元中魏弼簡以狀元舉賢良自後無繼之者至

國朝而狀元舉制策者復二人孫舍人何孫學士暨

二公咸平初連榜多士咸平四年同以賢良方止登

科近古所未有也

狀元年三十以下數

狀元年三十以下者王宣徽拱辰汪端明應辰年十八沈

內翰邁年二十莫內翰儔二十二梁內翰顥張舍人

孝 王尚書 仇 皆二十三楊樞密 炳 蘇叅政 易 朱尚書

待 皆二十四王丞相 曾 王叅政 堯 張監丞 唐 賈內翰

問 彭尚書 漢 衛舍人 涇 皆二十五何僕射 泉 趙丞相

愚 皆二十七蔡樞密 密 宋丞相 岸 馮樞使 京 楊監丞

寘 姚秘書 穎 王叔興 昂 皆二十九陳樞相 堯 張叅政

觀 詹舍人 駁 許僉判 奕 皆年三十

狀元十年執政五年持橐人數

狀元及第不出十年而執政者呂許公 蒙 正丁丑榜癸

未年叅知政事凡七年董資政 德 元丁卯榜甲戌年叅

知政事凡八年梁鄭公 克 家庚辰榜己丑年簽書樞密

院事凡十年狀元及第不出五年為侍從者余給事

自及第至給事中凡二年蘇叅政 易 簡霍侍節 端 自

及第至知制誥凡四年陳英公 堯 自及第至知制誥

凡五年凡此外呂許公何文縝自登科至大拜十二

年梁鄭公自登科至大拜十三年而王文正馮文簡

趙莊叔自登第至知制誥亦止六年趙温叔自登第

至中書舍人亦止八年

狀元三年執政者二年持橐者

秦伯陽紹興十二年以右通直郎登第一年而為禮

部侍郎三年而知樞密院事其子塤紹興二十四年

登第明年為禮部侍郎古今所未有也

狀元特任子

仁宗時孫暨楊寘死于京皆得官一子紹興元年六月利州通判何洙言其弟渙死于承事郎太學博士請予一官許之其後王司業終于承議郎直顯謨閣淳熙中余校書復終于奏議郎慶元中皆特官其子一人用此故事

近臣舉御史

祖宗故事御史有闕例命兩制舉士舍人為兩制給舍中丞知雜知雜京侍御史同舉一二人自官制行朝廷直除而已

淳熙初孝宗始復故事命近官叅禮然從官皆畏避鮮敢以聞故此制又廢至紹熙末纔一舉行耳

南班宗室及堂後官臺叅事始

中興後南班宗室赴臺叅自士儀等紹興四年堂後官赴臺叅自魏彥弼等紹興三年九月皆本臺請也

舍人引嫌不艸制

紹興初王剛中居正獨員為中書舍人時適當三制一其弟居修改京官二甥婿劉立道除起居舍人三本身磨勘副中引嫌自言乃命左司郎官周綱權舍人命詞行下其後李舍人誼兼直學士院屬李丞相

伯紀辭免潭帥有詔不允而李嘗劾伯紀免章略曰
當時言路公肆詆誣李亦以爲言乃命劉舍人一止
草制焉都司行制詞閣下草批荅二事皆東都所未
有也先是胡尚書交修直學士院其姪丞公請祠不
許胡嘗爲答邵引嫌于朝乃命胡明仲舍人爲之遂
爲故事

舍人草內制

近歲翰苑止雙員淳熙五年學士周洪道爲御試詳
定官直院范致能除叅知政事本院闕官得旨遇有
撰述文字依例權送中書舍人十四年學士洪景知

貢舉直院李獻之出使王待制詔孔目官李植請于
朝遂用五年例云

檢正讀錄黃

紹興二年十二月韓世忠費功文字給事中賈安宅
除部侍郎門下後省闕官乃詔檢正學李與權書讀
此事亦前所未有

密白

舊制樞密院事並過下省乾道元年十二月癸卯言
省請自今樞密院已被旨文書並關中書門下依三
省式書黃書讀以示欽重出命之意從之然密院機

通事則不由中書直門門下省謂密白慶元三年樞
密院以密白遷補潛邸醫官二人給事中許深父以
非舊典爭之遂寢其命

給舍不許列奏事

自元豐分三省中書舍人于制勅有誤許其論奏而
給事中乃所以駁正中書違失紹興以來間有駁正
或給事中書舍人列御同奏乾道五年二月辛亥中
書舍人汪養源言神宗官制以中書爲出令之官而
門下審駁覆正然後付之尚書三省皆置官屬以使
相弼縫可否分守甚嚴無碍侵越今給列御同奏則
是中書門下混而爲一非神宗所以明職分防闕失
之意上以爲然詔復從舊例

禮官學士爭詔紙

乾道中李仁父爲禮官卽中洪景盧直學士院時占
城人貢詔學士院荅勅景盧引故事乞用金花白藤
紙寫詔而仁父上言當從紹興近例用白藤紙作勅
書景盧以爲侵官論奏其事 上曰禮官議禮豈可
謂之侵官近例可憑止從紹興可也景盧深不懌其
後仁父修四朝列傳垂就而卒 上命景盧續成之
景盧筆削舊史乃無完篇蓋素不相樂也于是上促

書進甚急而新書未畢工稱季平以東都事略來獻
遂取用焉或者但見新書疎略舛誤甚多而不知舍
卒之間不暇考擇也書成進御景盧援季平于朝遂得
直秘閣云

官告式

自建炎後侍從及宗室南班官遷除始給告大卿監
防禦使以下止用黃勅其後以絹代綾羅纈羅代錦
監察御史以上用錦紹興四年始命職事官監司以上並給告
十四年始用錦其後又詔內命婦及外命婦郡夫人
以上乃得用綉袋及銷金其餘則否淳熙十三年李

叔永昌圖為工部侍郎南郊恩贈其父用賓官私命
文思院工閣諒以銷金綾紙為告陳子榮侍御劾于
朝坐落職奉祠

前後官許服紅帶

故事從官不帶待制已上職名而罷者止服黑帶佩
魚淳熙中王仲行自吏部尚書除端明殿學士知紹
興府未行以言章奪職仲行以辭朝上殿服金帶垂
魚而入閣門吏止之仲行即解所佩魚閣門猶以為
不可乃從小吏解黑帶以見仲行殊不平十年十月
始有旨權侍郎以上罷任不帶職許服紅鞵排方黑

犀帶仍佩魚自是遂為定制

紫衫

自軍興士大夫始衣紫窄衫上下如一紹興元年八月甲子詔公卿長吏母得以戎服臨民復用官帶然迄不行秦會之死魏道弼秉故復舉行之論者以為擾士人貧者猶苦之未幾道弼為諫所攻攻遂罷政章中數事此其一已于是紫衫既廢士大夫皆服京衫乾道中李獻之為學士為上言會眾之際顏色可憎今陛下上奉兩宮宜服紫衫為便上從之蓋自渡江以來人情日趨簡便不可復古矣

國郵服涼衫紫衫

孝宗之喪趙子直當國始令羣臣服白涼衫皂帶以治事逮終喪乃止論者以為是及光宗之喪禮部侍郎陳宗召復請百官以日易月禫除畢服紫衫皂帶以治事從之

渡江後賜墓碑額

渡江後大臣未有賜墓碑額者紹興初上始書韓文定神道曰世濟盛德之碑其後得此賜者亦不多
秦丞相清德秦丞相共策元功陳文恭旌忠楊和顯德
王安民定功劉忠顯旌忠吳信王安民保蜀韓蘄佐運興德
褒節

王中興佐命史太師純誠厚周益公忠文

大臣諡之極美者

大臣諡之極美者有二本勳勞則忠獻為美論德業則文正為美有國二百年諡忠獻者才三人趙韓王韓魏王張魏公是也諡文正者亦才三人王沂公范汝南公司馬溫公是也其品可知矣李司空王大尉皆諡文貞耳宣政間蔡卞鄭居中亦諡文正終不足渡江錄後秦檜諡忠獻實博士曹寇為之

定諡不許更易

慶元末京丞相薨賜諡文穆既而其子沆請避家諱

故文忠于是言者以為楊億巨儒既諡日文議者欲加一忠字既不之與夫欲加一字猶且不可况以二字又欲極美乎望欽所司自今議諡務當其實其或不然當准古法以選舉不實論若定諡已下其子孫請再更易者以違制論從之

渡江後改諡

渡江後公卿諡號王仲言揮塵錄有之但殊脫略今不能盡記記其更易者韓師朴丞相初請諡王劉中為博士諡日文禮諡法奉議順則曰禮取其為禮官時不主王荆公坐講之議也而韓氏子謂自來未有以禮為諡

者以白時相范覺民覺民語副中副中不為改于是
用吏部覆議改為文定左選侍郎李長民京東帥曾孝序之
死難也博士錢葉謚曰劄愍執事嫌之乃改曰威韓
鄒尉嘉彥之請謚也博士華權定為夷節而方庭實
在考功以端節易之司馬侍郎朴之賜謚也博士顏
林宗定以忠肅而張敬夫在吏部以忠潔易之此四
者皆于謚未定之前更易者也代州王忠植之死事
也太常謚為義節而秦丞相以無忠字疑之今別議
太常謂若以忠為謚則子孫誦之非易名之義遂止
孝宗初立命有司為岳飛作謚太常議危身奉土曰

忠使民悲傷曰愍 孝宗以為用愍字則于上皇為
失政却 之乃改為武穆此三者皆于謚已定未下
之前有所退而却者也劉莘老丞相初謚正肅當矣
而正字犯丞相父名乃改為忠肅趙崇公叔屬初謚
敦簡美矣而敦字與 光宗御諱同音其曾孫德光
請于朝改謚清簡此二者皆出于謚號已下之後然
迫于名諱不容不避者也蓋自紹興至淳熙六十餘
年之間改謚纔六七皆有所以為非京丞相之比矣
張叅政綱初謚文定汪聖錫為吏部尚書駁之乃改
章簡後其孫貴竟復謚文定焉



